

"Өнімнің транзитіне рұқсат беру қағидаларын бекіту туралы" Қазақстан Республикасы Инвестициялар және даму министрінің 2015 жылғы 31 наурыздағы № 384 бұйрығына өзгерістер енгізу туралы

Күшін жойған

Қазақстан Республикасы Инвестициялар және даму министрінің 2017 жылғы 3 наурыздағы № 131 бұйрығы. Қазақстан Республикасының Әділет министрлігінде 2017 жылғы 5 шілдеде № 15306 болып тіркелді. Күші жойылды - Қазақстан Республикасы Индустрия және инфрақұрылымдық даму министрінің 2023 жылғы 28 сәуірдегі № 308 бұйрығымен.

Ескерту. Күші жойылды – ҚР Индустрия және инфрақұрылымдық даму министрінің 28.04.2023 № 308 (алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі) бұйрығымен.

"Құқықтық актілер туралы" 2016 жылғы 6 сәуірдегі Қазақстан Республикасының Заңы 50-бабының 2-тармағына сәйкес **БҰЙЫРАМЫН:**

1. "Өнімнің транзитіне рұқсат беру қағидаларын бекіту туралы" Қазақстан Республикасы Инвестициялар және даму министрінің 2015 жылғы 31 наурыздағы № 384 бұйрығына (Нормативтік құқықтық актілерді мемлекеттік тіркеу тізілімінде № 12197 болып тіркелген, 2015 жылғы 12 қарашада "Әділет" ақпараттық-құқықтық жүйесінде жарияланған) мынадай өзгерістер енгізілсін:

көрсетілген бұйрықпен бекітілген Өнімнің транзитіне рұқсат беру қағидаларында:

4 және 5-тармақтар мынадай редакцияда жазылсын:

"4. Рұқсат алу үшін өтініш беруші (не оның сенімхат арқылы өкілі) мынадай құжаттарды:

1) осы Қағидаларға 2-қосымшаға сәйкес нысан бойынша өнімнің транзитіне рұқсат алуға арналған өтінішті;

2) заңды тұлғаның мемлекеттік тіркелуі (қайта тіркелуі) туралы құжатты – шетелдік заңды тұлға үшін;

3) жеке тұлғаның жеке басын куәландыратын құжатты, кәсіпкерлік қызметпен айналысу құқығын растайтын құжатты – шетелдік жеке тұлға үшін;

4) экспорттаушы елдің экспорттық бақылау мәселелері жөніндегі уәкілетті органы берген өнімді шығаруға рұқсатының бар екендігі туралы құжатты;

егер елдің заңнамасында осындай құжатты беру көзделмеген жағдайда, экспорттаушы елдің экспорттық бақылау саласындағы уәкілетті органынан тиісті растаушы хаты ұсынылады;

5) оған қосымшаларымен және (немесе) толықтыруларымен бірге өнімнің номенклатурасы мен көлемі заттай және құндық мәнде міндетті түрде көрсетілген сыртқы сауда мәмілесіне қатысушылардың арасындағы (сатушы, жүк жөнелтуші, сатып алушы, жүк алушы, делдал) өнімді жеткізуге арналған келісім-шарт;

6) "Сақтандыру қызметі туралы" 2000 жылғы 18 желтоқсандағы Қазақстан Республикасының Заңына сәйкес өтініш берушінің азаматтық-құқықтық жауапкершілігін сақтандыру шарты;

7) Қазақстан Республикасының ядролық және радиациялық қауіпсіздігі жөніндегі құзыретті органдары рұқсатының қолданылу шарттарын қоса алғанда, Қазақстан Республикасының қолданыстағы нормативтік актілерін бұзу айқындалған жағдайда оның тарапынан тасымалдың нақты жағдайларына тексеру жүргізуге, сондай-ақ ықтимал уақытша сақтауға, кері тасымалдауға, сараптамаға және атқарушы органдардың басқа да қажетті әрекеттеріне байланысты шығыстарды, сондай-ақ айқындалған ауытқуларды заңнама талаптарына сәйкес келтіру және/немесе экспортталуы мемлекетке жүкті қайтару қажеттілігіне байланысты шығыстарды өтеуге кепілдікті растайтын (келісім-шарттың нөмірі мен күні көрсетілген) өтініш берушінің хаты;

8) егер жүк алушыға жүкті беру оған қатысы жоқ себептер бойынша мүмкін болмаған жағдайда, транзитпен өтетін өнімді оның бұл жүкті қайтадан қабылдауға сөзсіз келісімін растайтын (келісім-шарттың нөмірі мен күні көрсетілген) (уәкілетті органға бағытталған) жүк жөнелтушінің хаты;

9) осы Қағидаларға 3-қосымшаға сәйкес нысан бойынша өтініш берушінің транзиттік тасымалдарды жүзеге асыруы кезінде қозғалыс бағыты, кіру және шығу шекаралық бекеттері, көлік түрі туралы мәліметтер;

10) әскери (қосарлы) мақсаттағы өнім транзитін әскери қарауылмен алып жүрген кезде - әскери қарауыл адамдарының санын, олардың қарулары мен әкелінетін қарудың әр бірлігіне оқ-дәрілер туралы деректерді (маркасы (түрі), калибрі, саны) көрсете отырып, әскери қарауыл туралы ақпарат;

Қазақстан Республикасының мемлекеттік шекарасы арқылы өткізу пункттерінде Қазақстан Республикасына кіруге немесе Қазақстан Республикасынан шығуға құқық беретін тұлғалардың (әскери қарауыл құрамынан) құжаттары, бекітілген қаруды, оқ-дәрілерді көрсете отырып, әскери бөлімнің лауазымды тұлғалары бекіткен әскери қарауыл тұлғаларының атаулы тізімін және әскери қарауылдың тиісті ілеспе құжаттары (жазба бұйрық, наряд, қорытынды) ұсынады.

2), 3), 4), 5) және 6) тармақшаларда көрсетілген құжаттар нотариалды куәландырылған көшірмелерімен қоса ұсынылады. Шет тілдерінде жасалған

құжаттар Қазақстан Республикасының мемлекеттік тіліне немесе орыс тіліне нотариалды куәландырылған аудармасымен ұсынылады.

5. Егер шет мемлекеттің мемлекеттік органы өтініш беруші болып шығатын жағдайда:

1) осы Қағидалардың 4-тармағының 2), 6) және 7) тармақшаларында көрсетілген құжаттарды ұсыну талап етілмейді;

2) осы Қағидалардың 4-тармағының 5) тармақшасында көрсетілген келісім-шарт болмаған кезде өнімді жеткізу қажеттілігін негіздейтін құжаттар ұсынылады;

3) осы Қағидалардың 4-тармағы 4) тармақшаның бірінші бөлігінде көрсетілген құжатты елдің заңнамасында беру көзделмесе, растаушы хат ұсынылады.";

6-тармақ алып тасталсын;

13-тармақ мынадай редакцияда жазылсын:

"13. Рұқсат өнімнің саны мен номенклатурасына қарамастан, кемінде он белгіден тұратын деңгейдегі кодты көрсете отырып, Еуразиялық экономикалық одақтың Сыртқы экономикалық қызметінің тауар номенклатурасының (бұдан әрі – СЭҚ ТН) кодына сәйкес тауардың бір түріне беріледі.";

15 және 16-тармақтар мынадай редакцияда жазылсын:

"15. Уәкілетті орган өнімнің транзитіне рұқсат беруді "Е-лицензиялау" мемлекеттік деректер базасы" ақпараттық жүйесі арқылы жүзеге асырады.

16. Қазақстан Республикасының аумағы бойынша өту кезінде өнімнің ұрлануын және заңсыз айналымын болдырмау және оның жолын кесу мақсатында мүдделі органдар оларды қызықтырған ақпаратты "Е-лицензиялау" мемлекеттік деректер базасы" ақпараттық жүйесі арқылы алады.";

көрсетілген бұйрықпен бекітілген Өнімнің транзитіне рұқсат беру қағидаларына 1, 2 және 3-қосымшалар осы бұйрыққа 1, 2 және 3-қосымшаларға сәйкес редакцияда жазылсын.

2. Қазақстан Республикасы Инвестициялар және даму министрлігінің Индустриялық даму және өнеркәсіптік қауіпсіздік комитеті:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрық мемлекеттік тіркелген күнінен бастап күнтізбелік он күн ішінде оның қазақ және орыс тілдеріндегі қағаз тасығыштағы және электрондық нысандағы көшірмелерін Қазақстан Республикасы Нормативтік құқықтық актілерінің эталондық бақылау банкіне ресми жариялау және енгізу үшін " Республикалық құқықтық ақпарат орталығы" шаруашылық жүргізу құқығындағы республикалық мемлекеттік кәсіпорнына жіберуді;

3) осы бұйрық мемлекеттік тіркелген күнінен кейін күнтізбелік он күн ішінде оның көшірмелерін мерзімді баспа басылымдарына ресми жариялауға жіберуді;

4) осы бұйрықты Қазақстан Республикасы Инвестициялар және даму министрлігінің интернет-ресурсында орналастыруды;

5) осы бұйрық Қазақстан Республикасы Әділет министрлігінде мемлекеттік тіркелгеннен кейін он жұмыс күні ішінде Қазақстан Республикасы Инвестициялар және даму министрлігінің Заң департаментіне осы тармақтың 1), 2), 3) және 4) тармақшаларында көзделген іс-шаралардың орындалуы туралы мәліметтерді ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Инвестициялар және даму вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік жиырма бір күн өткен соң қолданысқа енгізіледі.

*Қазақстан Республикасының
Инвестициялар және даму
министрі*

Ж. Қасымбек

"КЕЛІСІЛГЕН"

Қазақстан Республикасының
Ақпарат және коммуникациялар министрі
_____ Д. Абаев

2017 жылғы 10 наурыз

"КЕЛІСІЛГЕН"

Қазақстан Республикасы
Премьер-Министрінің орынбасары –
Қазақстан Республикасының
Ауыл шаруашылығы министрі
_____ А. Мырзахметов

2017 жылғы 24 наурыз

"КЕЛІСІЛГЕН"

Қазақстан Республикасының
Білім және ғылым министрі
_____ Е. Сағадиев

2017 жылғы 15 наурыз

"КЕЛІСІЛГЕН"

Қазақстан Республикасының
Денсаулық сақтау министрі
_____ Е. Біртанов

2017 жылғы 17 мамыр

"КЕЛІСІЛГЕН"

Қазақстан Республикасының
Қорғаныс және аэроғарыш
өнеркәсібі министрі

_____ Б. Атамқұлов

2017 жылғы 5 мамыр

"КЕЛІСІЛГЕН"

Қазақстан Республикасының
Қорғаныс министрі

_____ С. Жасұзақов

2017 жылғы 29 наурыз

"КЕЛІСІЛГЕН"

Қазақстан Республикасы
Ұлттық қауіпсіздік комитетінің төрағасы

_____ К. Мәсімов

2017 жылғы 7 маусым

"КЕЛІСІЛГЕН"

Қазақстан Республикасының
Ұлттық экономика министрі

_____ Т. Сүлейменов

2017 жылғы 19 сәуір

"КЕЛІСІЛГЕН"

Қазақстан Республикасының
Ішкі істер министрі

_____ Қ. Қасымов

2017 жылғы 1 маусым

"КЕЛІСІЛГЕН"

Қазақстан Республикасының
Энергетика министрі

_____ Қ. Бозымбаев

2017 жылғы 26 сәуір

Қазақстан Республикасы
Инвестициялар және даму
министрінің
2017 жылғы 3 наурыздағы
№ 131 бұйрығына
1-қосымша
Өнімнің транзитіне
рұқсат беру қағидаларына
1-қосымша
Нысан

Өнім транзитіне берілетін рұқсат

1. Рұқсат №			
2. Өтініш беруші (толық атауы, елі, заңды мекенжайы, телефоны):			
3. Жүк жөнелтуші (толық атауы, елі, заңды мекенжайы, телефоны):			
4. Жүк алушы (толық атауы, елі, заңды мекенжайы, телефоны):			
5. Рұқсаттың қолданылу мерзімі:			
6. Қазақстан Республикасының мемлекеттік шекарасы арқылы өткізу бекеті - кіру: - шығу:	7. Көлік түрі:		
	8. Келісім-шарттың валютасы:		
9. Өнімнің атауы:	10. Тауардың СЭҚ ТН бойынша коды:	12. Өлшем бірлігі:	14. Өнімнің жалпы құны: - төлем валютасымен: - теңгемен: - доллармен (USD):
	11. Тауардың бақылау тізімдері бойынша коды:	13. Саны:	
15. Сыртқы сауда келісім-шарттың нөмірі және күні:	16. Келісілді:		
17. Сақтандыру компаниясының атауы, сақтандыру шартының нөмірі және күні:			
18. Рұқсаттың ерекше шарттары:			
19. Уәкілетті орган _____ (уәкілетті органның толық атауы) Басшы (уәкілетті тұлға) _____ (тегі, аты, әкесінің аты (бар болса)) Қолы, мөрдің орны _____ (қағаз тасығыштағы рұқсаттар үшін) Берілген күні: ____ жылғы " ____ " _____			

Қазақстан Республикасы
Инвестициялар және даму
министрінің
2017 жылғы 3 наурыздағы
№ 131 бұйрығына
2-қосымша
Өнімнің транзитіне
рұқсат беру қағидаларына
2-қосымша
Нысан

№ __ өнімнің транзитіне рұқсат алуға арналған өтініш

1. _____ (уәкілетті органның толық атауы)
2. Өтініш беруші _____ (жеке тұлғаның тегі, аты, әкесінің аты (болған жағдайда), жеке сәйкестендіру нөмірі; заңды тұлғаның (оның ішінде шетелдік заңды тұлғаның) толық атауы, бизнес-сәйкестендіру нөмірі, шетелдік заңды тұлғаның филиалының немесе өкілеттілігінің бизнес-сәйкестендіру нөмірі – заңды тұлғада бизнес-сәйкестендіру нөмірі болмаған жағдайда; елі, заңды мекен-жайы, телефондар, электрондық мекенжайы)

3. Жүк жөнелтуші (толық атауы, елі, заңды мекенжайы, телефоны):			
4. Жүк алушы (толық атауы, елі, заңды мекенжайы, телефоны):			
5. Рұқсаттың қолданылу мерзімі:			
6. Қазақстан Республикасының мемлекеттік шекарасы арқылы өткізу бекеті - кіру: - шығу:	7. Көлік түрі:		
	8. Келісім-шарттың валютасы:		
9. Өнімнің атауы:	10. Тауардың СЭҚ ТН бойынша коды:	12. Өлшем бірлігі:	14. Өнімнің жалпы құны: - төлем валютасымен: - теңгемен: - доллармен (USD):
	11. Тауардың бақылау тізімдері бойынша коды:	13. Саны:	
15. Сыртқы келісім-шарттың нөмірі және күні:			
16. Осымен көрсетілген барлық деректердің ресми байланыстар болып табылатындығы және оларға рұқсатты беру немесе беруден бас тарту мәселелері бойынша кез келген ақпаратты жіберуге болатындығы; өтініш берушіге қызметтің өтініш берілетін түрімен айналысуға сот тыйым салмайтыны; қоса берілген құжаттардың барлығы шындыққа сәйкес келетіні және жарамды болып табылатындығы расталады; өтініш беруші рұқсатты беру кезінде ақпараттық жүйелерде қамтылған, заңмен қорғалатын құпияны құрайтын қолжетімділігі шектеулі дербес деректерді пайдалануға келісімін береді;			
17. Сақтандыру компаниясының атауы, сақтандыру шартының нөмірі және күні:			
18. Рұқсаттың ерекше шарттары:			
19. Өтініш беруші _____ (қолы) (тегі, аты, әкесінің аты (болған жағдайда) Мөрдің орны (болған жағдайда) Толтыру күні: 20__ жылғы " __ " _____			
20. Уәкілетті орган _____ (уәкілетті органның толық атауы) Өтініш қарауға қабылданды 20__ жылғы " __ " _____			

Қазақстан Республикасы
Инвестициялар және даму
министрінің
2017 жылғы 3 наурыздағы
№ 131 бұйрығына
3-қосымша
Өнімнің транзитіне
рұқсат беру қағидаларына
3-қосымша
Нысан

Мәлімделген транзиттік тасымалдауды жүзеге асырған кезде қозғалыс бағыты, кіру және шығу шекаралық бекеттері, көлік түрі туралы мәліметтер

№	Көрсеткіштер	Көрсеткіш мазмұны	Ескертпе
1	Жүктің толық атауы		
2	Өлшем бірлігі		
3	Саны		

4	Қауіптілік сыныбы		
5	БҰҰ коды		
6	ҮЖН коды		
7	ЕЭК СЭҚ ТН коды		
8	Өтініш беруші ұйымның толық атауы, елі, заңды мекенжайы, телефоны		
9	ҚР аумағы бойынша экспедитор ұйымның толық атауы, заңды мекенжайы, телефоны, шарттың нөмірі және күні	су көлігімен тасымалданған жағдайда талап етілмейді)	шарттың нотариалдық куәландырылған көшірмесі қоса беріледі
10	Тасымалдаушының ядролық материалдарды, радиоактивті заттарды, иондаушы сәулеленудің радиоизотоптық көздерін , радиоактивті қалдықтарды транзиттік тасымалдауды қоса алғанда, Қазақстан Республикасы аумағының шегінде тасымалдауға лицензиясы	лицензияның нөмірі, берілген күні, оны берген мемлекеттік органның атауы	ядролық материалдарды, радиоактивті заттарды, иондаушы сәулеленудің радиоизотоптық көздерін , радиоактивті қалдықтарды Қазақстан Республикасы аумағының шегінде тасымалдау кезінде
11	Жүктерді күзету ұйымның толық атауы, заңды мекенжайы, телефоны, шарттың нөмірі және күні	(теміржол және су көлігімен тасымалдаған жағдайда талап етілмейді)	күзетілетін өнімнің номенклатурасы мен көлемін көрсете отырып шарттың нотариалдық куәландырылған көшірмесі қоса беріледі
12	Жүкті физикалық қорғау жөніндегі ұйымының күзет қызметін жүзеге асыруға берілген құқығын растайтын құжат	күзет қызметін жүзеге асыруға арналған лицензияның нөмірі, берген күні, оны берген мемлекеттік органның атауы	
13	Көлік түрі	теміржол, автомобиль немесе су, немесе әуе	1, 6 және 7-санаттағы қауіпті жүкті автомобиль көлігімен тасымалдау кезінде көлік құралының деректері қосымша көрсетіледі
	1, 6 және 7-санаттағы қауіпті жүкті тасымалдауға арнайы рұқсаттың нөмірі (1, 6	Кеден одағы комиссиясының 2011 жылғы 16 тамыздағы № 770 шешімімен бекітілген Кеден одағының " Пиротехникалық бұйымдардың қауіпсіздігі	

14	және 7-санаттағы қауіпті жүкті автомобиль көлігімен тасымалдау кезінде)	туралы" техникалық регламентінің Пиротехникалық бұйымдары бар қауіпті жүктердің сыныптамасына сәйкес 1.4-ішкі сыныбы бар пиротехникалық бұйымдарды тасымалдау кезінде талап етілмейді	рұқсаттың көшірмесі қоса беріледі
15	Қауіпті жүктерді тасымалдайтын көлік құралы жүргізушісінің дайындығы туралы куәліктің (жүргізушіге қауіпті жүктерді автокөлік құралдарымен тасымалдауға рұқсат беру туралы куәлік) нөмірі	1.4 көлік қауіптілігінің кіші сыныбы бар пиротехникалық бұйымдарды автомобиль көлігімен тасымалдау кезінде	куәліктің көшірмесі қоса беріледі
16	Жүк жөнелтуші толық атауы, заңды мекенжайы, телефоны		
17	Жүк қабылдаушы толық атауы, заңды мекенжайы, телефоны		
	Тасымалдау бағыты:		
18	Жөнелтуші өткізу бекетінің атауы, елі		
19	Қазақстан Республикасының мемлекеттік шекарасы арқылы кіру кезіндегі өткізу бекетінің атауы		
20	Қазақстан Республикасының аумағы бойынша қозғалу бағыты	темір жол көлігімен тасымалдау кезде толтырылмайды	1, 6 және 7-санаттағы қауіпті жүкті автомобиль көлігімен тасымалдау кезінде қозғалу бағыты арнайы рұқсатқа сәйкес көрсетіледі
21	Қазақстан Республикасының мемлекеттік шекарасы арқылы шығу кезіндегі өткізу бекетінің атауы		
22	Жеткізілу өткізу бекетінің атауы, елі		
23	Тасымалдау мерзімі күні, айы, жылы - күні, айы, жылы		өтініштің 8-бағанына сәйкес

24	Үшінші адамдарға және коршаған ортаға келтірген зиянды өтеу жөніндегі өтініш берушінің азаматтық-құқықтық жауапкершілігін сақтандыру туралы деректер	сақтандыру компаниясының атауы, заңды мекенжайы, телефондары, шартты жасау нөмірі және күні	сақтандыру қорғанысының қолданылу мерзімі шарттың қолданылу мерзімімен сәйкес келеді
25	Авариялық карточканың нөмірі	автомобиль көлігімен 1, 6 және 7-санаттағы қауіпті жүкті тасымалдауға арнайы рұқсат бар болған кезінде талап етілмейді	өтініш берушінің қолымен және мөрімен (болған жағдайда) куәландырылған авариялық карточканың көшірмесі қоса беріледі
26	Химиялық өнімнің қауіпсіздік паспорты)	"Химиялық өнімнің қауіпсіздігі туралы" 2007 жылғы 21 шілдедегі № 302 Қазақстан Республикасының Заңын а сәйкес химиялық өнімге қатысты	өтініш берушінің қолымен және мөрімен (болған жағдайда) куәландырылған көшірмесі қоса беріледі

Өтініш беруші _____

_____ лауазымы, қолы _____ (тегі, аты, әкесінің аты (болған жағдайда))

Мөрдің орны (болған жағдайда)

Күні _____